



## Annunzia per la chatscha da capricorns 2025

### 1. Premissa per s'annunziar per sajettar ina chaura ed in buc

#### per l'emprima chatscha:

Chatschadras e chatschaders ch'èn ids fin a l'annunzia durant almain 5 onns a la chatscha auta grischuna e che n'èn fin ussa betg anc sa participads a la chatscha da capricorns.

#### per la segunda, terza, quarta u tschintgavla chatscha:

Chatschadras e chatschaders ch'èn ids l'onn 2015 u pli baud l'ultima giada a chatscha da capricorns, e dapli dura durant almain 5 onns a la chatscha auta grischuna.

### 2. Repartiziun da las classas da vegliadetgna

Ils bucs vegnan attribuids a las chatschadras ed als chatschaders tenor classas da vegliadetgna sco suonda:

a) classa giuvna A,	bucs 1 fin 2	chatschaders da 24 fin 29 onns
b) classa giuvna B,	bucs 1 fin 3	chatschaders da 30 fin 44 onns
c) classa giuvna C,	bucs 4 fin 5	chatschaders da 45 fin 54 onns
d) classa mesauna e veglia,	bucs 6 fin 10 ed 11 <sup>+</sup>	chatschaders da 55 onns e dapli

Chatschadras e chatschaders, als quals igl era gia vegnì repartì in buc da la classa mesauna u veglia, ston puspè cumenzar a sajettar in buc da la classa giuvna A, en cas ch'ellas ed els sa participeschan danovamain a la chatscha da capricorns.

### 3. Colonias resp. colonias parzialas che pon vegnir tschernidas

#### classa giuvna A

Albris; Val Bever; Julier Süd; Julier Nord (Surses); Flüela: colonia parziala Vereina u Barlasch-Lavinuoz; Fergen-Seetal; Falknis; Macun; Sesvenna; Umbrail; Hochwang; Safien/Rheinwald; Vals; Mesocco/Calanca; Caschleglia/Vial; Oberalp-Frisal

#### classa giuvna B

Albris; Julier Süd; Flüela: colonia parziala Val Tuors u Barlasch-Lavinuoz; Macun; Sesvenna; Vals; Calanda

#### classa giuvna C

Val Bever; Julier Süd; Flüela: colonia parziala Val Tuors u Vereina u Barlasch-Lavinuoz u Tuoi-Tasna u Chöglias-Samnaun; Falknis; Macun; Sesvenna; Umbrail; Rothorn/Weissfluh; Vals; Mesocco/Calanca; Caschleglia/Vial; Oberalp-Frisal; Calanda

#### classa mesauna e veglia

Julier Süd; Julier Nord (Avers); Flüela: colonia parziala Barlasch-Lavinuoz u Tuoi-Tasna u Chöglias-Samnaun; Falknis; Macun; Sesvenna; Umbrail;

Annunzias vegnan acceptadas mo per las colonias resp. classas da vegliadetgna menziunadas qua survart! Sco survista vala er la tabella "Ausschreibung zur Steinwildjagd 2025" che stat medemamain a disposiziun sin la pagina d'internet [www.ajf.gr.ch](http://www.ajf.gr.ch).

#### 4. Procedura d'annunzia

##### Annunzia en scrit

Las chatschadras ed ils chatschaders che han il dretg da s'annunziar pon far quai dals **3 fin ils 14 da mars 2025** (data dal bul postal) en scrit per posta (**en mintga cas posta A Plus**) cun il formular d'annunzia tar l'uffizi da chatscha e pestga dal Grischun (adressa da consegna: Administraziun da capricorns, Billy Bebi, Ringstrasse 10, 7001 Chur). Las infurmaziuns ed ils formulars d'annunzia chattais Vus sin la pagina d'internet [www.ajf.gr.ch](http://www.ajf.gr.ch) (RM / Chatscha / Actualitads).

La taxa da chanzlia importa 20.00 francs. Il quint vegn tramess tiers ensemen cun la conferma d'annunzia pir suenter ch'il termin d'annunzia è scadì.

Sch'ina annunzia n'è betg valaivla, vegn la chatschadra u il chatschader infurmà.

##### **Annunzias per e-mail n'èn betg admessas e na vegnan betg resguardadas!**

Tenor la publicaziun ston las candidatas ed ils candidats inditgar la colonia resp. la colonia parziala, en la quala ellas ed els vulan ir a chatscha da capricorns. Ils giavischs d'in tschert territori vegnan resguardads tenor pussaivladad. Ins sto per part far quint cun in lung temp da spetga en tschertas colonias.

L'experientscha dals ultims onns mussa che la chatscha da capricorns è fitg pretensiusa per las chatschadras ed ils chatschaders en quai che riguarda las abilitads alpinisticas, la cundiziun, il giuditgar ils animals e l'abiltad da sajettar. Per quest motiv recumandain nus da ponderar bain eventualas annunzias, da far las preparativas correspudentas e da reservar trais emnas durant l'october per la chatscha da capricorns.

UFFIZI DA CHATSCHA E PESTGA  
GRISCHUN

Administraziun capricorns